

法苑珠林卷第六十六

振六

唐西明寺沙門釋道世撰

怨苦篇第七十七

此有七部

述意部

傷悼部

五陰部

八苦部

雜難部

蟲寓部

地獄部

述意部第一

夫三界輪轉六道侵移神明不朽識慮冥持

乍死乍生時來時往捨身命草籌難辯惟
大地丘坑莫非我故陳滄海川流皆同吾淚

血以此而觀誰非親友人鬼雖別生滅固同
恩愛之情時復影響群邪愚闇不識親疎遂
使喪彼身形養已軀命更互屠割共爲怨府
歷劫相讎苦報難盡靜思此事豈不痛心也

傷悼部第二

振六

如中阿含經云

爾時世尊告諸比丘衆生無

始生死長夜輪轉不知苦之本際諸比丘於
意云何若此大地一切草木以四指量斬以
爲籌以數汝等長夜輪轉生死所依父母籌
數已盡其諸父母數猶不盡諸比丘如是無

始生死長夜輪轉故不知苦之本際佛告諸比丘汝等輪轉生死飲其母乳多於恒河及四大海水所以者何汝等長夜或生象中飲母乳無量數或生駝馬牛驢諸禽獸類飲其母乳數無量汝等長夜弃於塚間膿血流出亦復如是或墮地獄畜生餓鬼髓血流出亦復如是佛告諸比丘汝等長夜輪轉生死所出身血甚多無數過恒河水及四大海汝於長夜曾生象中或截耳鼻頭尾四足其血無量或受馬駝驢牛禽獸類等斷截耳鼻頭足

四體其血無量或身命終弃於塚間膿血流出其數亦復如是或長夜輪轉生死喪失父兄弟姊妹宗親知識或喪失錢財爲之流淚甚多無量過四大海水佛告諸比丘汝等見諸衆生安隱諸樂當作是念我等長夜輪轉生死亦曾受斯樂其趣無量或見諸衆生受苦惱當作是念我昔長夜輪轉生死以來亦曾受如是之苦其數無量或見諸衆生而生恐怖衣毛爲堅當作是念我等過去必曾殺生爲傷害者爲惡知識於無始生死長夜

接大二

輪轉不知其苦之本際或見諸衆生愛念歡喜者當作是念如過去世時必爲我等父母

兄弟妻子親屬師友知識如是長夜生死輪轉無明所蓋愛繫其頸故長夜輪轉不知苦之本際是故諸比丘當如是學精勤方便斷

除諸大莫令增長爾時世尊即說偈言

一人一劫中 積聚其身骨 常積不腐壞
如毗富羅山 若諸聖弟子 正智見真諦
此苦及苦因 離苦得寂滅 修習八道跡
正向般涅槃 極至於七有 天人來往生

盡一切諸結 究竟於苦邊

佛告諸比丘衆生無始生死長夜轉之不知苦之本際無有一處不生不死者如是長夜無始生死不知苦之本際亦無有一處無父母兄弟妻子眷屬宗親師長者譬如大雨滴

泡一生一滅是衆生無明所蓋愛繫其頸長夜輪轉不知苦之本際譬如普天大雨洪注東西南北無斷絕處如是四方無量國土劫成劫壞如天普雨天下無斷絕處長夜輪轉不知苦之本際譬如擲杖空中或頭落地或

尾落地或中落地如是無始生死長夜輪轉
或墮地獄或墮畜生或墮餓鬼

又增一阿含經云爾時三十三天有一天子
身形有五死相一華冠自萎二衣裳垢坌三
腋下流汗四不樂本位五玉女違伴時彼天

衰今此七寶宮殿悉當忘失及五百玉女亦
當星散所食甘露今無氣味是時釋提桓因
語彼天子言汝豈不聞如來說偈曰
一切行無常 生者必有死 不生則不死
此滅最爲樂

子愁憂苦惱撻胷歎息時釋提桓因聞此天
子愁憂聲便勅一天子此何等聲乃徹此間
彼天子具報所由爾時釋提桓因自往其所
語彼天子言汝今何故愁憂苦惱乃至於斯
天子報言尊者那得不愁命將欲終有五怪

汝今何故愁憂乃至於斯一切諸行無常之
物雖使有常者此事不然天子報言云何天
帝那得不愁我今天身清淨無染光踰日月
靡所不照捨此身已當生羅閱城中猪腹中
生恒食屎尿死時爲刀所割是時帝釋語言

汝今可自歸佛法衆便不墮三惡趣故如來亦說此偈言

諸有自歸佛 不墮三惡趣 盡漏處天人

便當至涅槃

爾時彼天問帝釋言今如來竟爲所在卷六帝釋

四

報曰今如來在摩竭提國羅閱城中迦蘭陀竹園所卷六天子報言我今無力至彼帝釋報言

汝當右膝著地長跪叉手向下方界而作是言唯願世尊善觀察之今在垂窮之地願矜愍之今自歸三尊如來無所著時彼天子隨

帝釋即便長跪向下方界自稱姓名自歸佛法衆盡其形壽爲真佛子非用天子如是至三說此語已不復處豬胎乃生長者家是時天子隨壽長短生羅閱城中大長者家是時長者婦自知有娠十月欲滿生一男兒端正無雙世之希有至十歲父母將至佛所時佛爲說法即於座上諸塵垢盡得法眼淨無復瑕穢後離俗出家得阿羅漢果

又正法念經云爾時夜摩天王爲諸天衆以要言之於天人中有十六苦何等十六天人

之中善通所攝一者中陰苦二者住胎苦三者出胎苦四者希食苦五者怨憎會苦六者愛別離苦七者寒熱等苦八者病苦九者他給使苦十者追求營作苦十一者近惡知識苦十二者妻子親里衰惱苦十三者飢渴苦十四者爲他輕毀苦十五者老苦十六者死苦如是十六人中大苦於人世間乃至命終及餘衆苦於生死中不可堪忍於有爲中無有少樂一切無常一切敗壞爾時夜摩天王以偈頌曰

於人世界中 有陰皆是苦 有生必歸死
有死必有生 若住於中陰 自業受苦惱
長夜遠行苦 此苦不可說 設於屎尿中
熱氣之所燒 如是住胎苦 不可得具說
常貪於食味 其心常希望 於味變大苦
此苦不可說 小心常希望 於欲不知足
所受諸苦惱 猶如大火毒 此苦不可說
猶如大火毒 所生諸苦惱 惡憎不可會
於恩愛別離 衆生趣大苦 此苦不可說
寒熱大苦畏 大惡難堪忍 此苦不可說
生無量種苦

生無量苦已	此苦不可說	病苦害人命
病爲死王使	衆生受斯苦	此苦不可說
爲他所策使	常無有自在	衆生受斯苦
此苦不可說	愛毒燒衆生	此苦不可說
次第乃至死	追求大受苦	若近惡知識
		是死爲大苦
		不可得宣說
衆苦常不斷	當受惡道苦	又九橫經云佛告比丘有九橫九因緣命未
妻子得衰惱	見則生大苦	盡時便橫死 <small>一</small> 爲不應飯爲飯 <small>二</small> 爲不量飯
此苦不可說	出過於地獄	<small>三</small> 爲不習飯 <small>四</small> 不出生飯 <small>五</small> 爲止熟 <small>六</small> 爲不持戒 <small>七</small> 爲近惡知識 <small>八</small> 爲入里不時不知法行 <small>九</small> 爲可避不避如是爲九因緣人命爲橫
能壞於身心	飢渴自燒身	<small>所盡一</small> 不應飯者名不可意飯亦爲飽腹不調 <small>二</small> 不量飯者名不知節度多飯過足 <small>三</small> 不
親里及知識	常爲輕賤他	
此苦不可說	此苦不可說	
生於憂悲苦		

人爲老所壓 身羸心意劣 僦僂凭杖行
 此苦不可說 人爲死所執 從此至他世
 是死爲大苦 不可得宣說

又九橫經云佛告比丘有九橫九因緣命未盡時便橫死一爲不應飯爲飯二爲不量飯三爲不習飯四不出生飯五爲止熟六爲不持戒七爲近惡知識八爲入里不時不知法行九爲可避不避如是爲九因緣人命爲橫所盡一不應飯者名不可意飯亦爲飽腹不調二不量飯者名不知節度多飯過足三不

習飯者名爲不知時冬夏爲至他國不知俗宜飯食未習四不出生飯者爲飯物未消復上飯不服藥吐下由未時消五爲止熟者大

小便來時不即時行噫吐噦下風來時制六不持戒者名爲犯五戒殺盜婬兩舌飲酒使入縣官捶杖斫刺或從怨手死或驚怖念罪憂死亡爲近惡知識者坐不離惡知識故不覺善惡八爲入里不時者名爲冥行亦里有諍縣官長吏追捕不避不如法行妄入他家舍九爲可避不避者爲弊惡象馬牛車蛇蛇

井水火刀杖醉惡人等干擾是爲九橫人命未盡當坐是盡

又五陰譬喻經佛說偈云

沫聚喻於色 受如水中泡 想譬熱時焰

行爲若芭蕉

標六

器幻喻如識

上諸佛說若此

當爲觀是要

標六

熟省而思惟

上真智說皆然

不覩其有常

欲見陰可爾

空虛之爲塞

三事斷絕時

知身無所直

命氣溫暖氣

捨身而轉逝

當其死卧地

猶草無所知

觀其狀如是

但幻而愚貪

止止爲無安

亦無有牢強 知五陰如此 比丘宜精進
是以當晝夜 自覺念正智 受行寂滅道
行除最安樂

五陰部第三

如涅槃經云復次善男子凡夫若遇身心苦
惱起種種惡若得身病若得心病令身口意
作種種惡以作惡故輪迴三趣具受諸苦何
以故凡夫之人無念慧故是故生於種種諸
漏是名念漏菩薩摩訶薩常自思惟我從往
昔無數劫來爲是身心造種種惡以是因緣

流轉生死在三惡道具受衆苦遂令我遠三
乘正路菩薩以是惡因緣故於已身心生大
怖畏捨離衆惡趣向善道善男子譬如王
以四毒蛇盛之一篋令人養食瞻視卧起摩
洗其身若令一蛇生瞋患者我當准法戮之
都市爾時其人聞王切令心生惶怖捨篋逃
走王時復遣五旃陀羅拔刀隨後其人迴顧
見後五人遂自捨去是時五人以惡方便藏
所持刀密遣一人詐爲親善而語之言汝可
還來其人不信投一聚落欲自隱匿既入聚

中關看諸舍都不見人執持缸器悉空無物
旣不見人求物不得即使坐地聞空中聲咄
哉男子此聚空曠無有居民今夜當有六
大賊來汝設遇者命將不全汝當云何而得免
第六
之爾時其人恐怖遂增復捨而去路值一河
其水漂急無有船筏以恐畏故即取種種草
木爲筏復更思惟我設住此當爲毒蛇五旃
陀羅一詐親者及六大賊之所危害若度此
河筏不可依當沒水死寧沒水死終不爲彼
蛇賊所害即推草筏置之水中身倚其上手

把脚踏截流而去即達彼岸安隱無患心意
泰然怖懼消除四毒蛇者即是四大五旃陀
羅者即是五陰一詐親者即是貪愛投一聚
落者即是內六入六大賊來者即是外塵是
六大賊雖有諸王不能遮止者唯佛菩薩乃
能遮止是六大賊雖有諸王截其手足猶故
不能令其心息六塵惡賊亦復如是雖得四
沙門果截其手足亦不能盡令不劫善法如
勇健人乃能摧伏是六大賊諸佛菩薩亦復
如是乃能摧滅六塵惡賊

八苦部第四

如五王經云佛爲五王說法人生在世常有無量衆苦切身今麤爲汝等略說八苦何謂八苦一生苦二老苦三病苦四死苦五恩愛別離苦六所求不得苦七怨憎會苦八憂悲苦是爲八苦也○何謂生苦人死之時不知精神趣向何道未得生處普受中陰之形至其三七日中父母和合便來受胎一七日如薄酪二七日如稠酪三七日如凝酥四七日如肉團五七日五魄成就巧風入腹吹其身

體六情開張在母腹中生藏之下熟藏之上母吸一杯熱食其身體如入鑊湯母飲一杯冷水亦如寒冷切身母飽之時迫迮身體痛不可言母飢之時腹中了々亦如倒懸受苦無量至其滿月欲生之時頭向產門劇如兩石峽山欲生之時母危父怖生墮草上身體細軟草觸其身如履刀劍忽然失聲大叫此是苦不諸人咸言此是大苦

何謂老苦謂父母養育至年長大自用強健擔輕負重不自裁量寒熱失度年老頭白齒

落目視瞶瞶耳聽不聰盛去衰至皮緩面皺
百節疼痛行步苦極坐起吟呻憂悲心惱神
識轉減便旋即忘命日促盡言之流涕坐起
須人此是苦不答曰大苦○何謂病苦人有
四大和合而成一大不調百病生四大不
調四百四病同時俱作地大不調舉身沉重
水大不調舉身脹腫火大不調舉身蒸熱風
大不調舉身掘強百節苦痛猶被杖楚四大
進退手足不任氣力虛竭坐起須人口燥脅
焦筋斷鼻折目不見色耳不聞音不淨流出

身卧其上心懷苦惱言趣悲哀六親在側晝
夜看視初不休息餚_{至古}食美入口皆苦此是
苦不答言實是大苦○何謂死苦人死之時
四百四病同時俱作四大欲散魂神不安欲
死之時刀風解形無處不痛白汗流出兩手
摸空室家內外在其左右憂悲涕泣痛徹骨
筋大髓不能自勝死者去之風遊氣絕火滅身以
風先火次魂靈去矣身體挺直無所復知旬
日之間肉壞血流脣脹爛臭甚不可近弃之
曠野衆鳥 啾食肉盡骨乾髑髏異處此是苦

不答言實是大苦○何謂恩愛別離苦謂室家內外兄弟妻子共相戀慕一朝破亡爲人抄劫各自分張父東子西母南女北非唯一處爲人奴婢各自悲呼心肉斷絕竊竊冥冥無有相見之期此是苦不答曰實是大苦○何謂所求不得苦家內錢財散用追求大官吏民望得富貴勤苦求之不止會遇得之而作邊境令長未經幾時貪取民物爲人告言一朝有事檻車載去欲殺之時憂苦無量不知死活何日此是苦不答言實是大苦○何

謂怨憎會苦世人薄俗共居愛欲之中爭不急之事更相殺害遂成大怨各互相避隱藏無地各磨刀錯箭挾弓持杖恐畏相見會遇狹道相逢張弓豎箭兩刃相向不知勝負是誰當爾之時怖畏無量此是苦不答言實是大苦○何謂憂悲苦惱苦謂人生在世長命者乃至百歲短命者胞胎傷墮長命之者與其百歲夜消其半餘年五十在其酒醉疾病不知作人減少五歲小時愚癡至年十五未知禮義年過八十老鈍無智耳聾目冥無有

法則復減二十年已九十年過餘有十歲之中多諸憂愁天下欲亂時亦愁天下旱時亦愁天下大水亦愁天下霜亦愁天下不熟亦愁室家內外多諸病痛亦愁持家財物治生恐失亦愁官家百調未輸亦愁家人遭官閼

繫牢獄未知出期亦愁兄弟遠行未歸亦愁居家窮寒無有衣食亦愁比舍村落有事亦愁社稷不辨亦愁室家死亡無有財物殯葬亦愁至春種作無有牛犁亦愁如是種種憂悲無有樂時至其節日共相聚應當歡樂

方共悲啼相向此是苦不答言實是大苦又金色王經云有一天女向金色王而說偈言何法名爲苦 所爲貧窮是 何苦最爲重所謂貧窮苦 死苦與貧苦 二苦等無異寧當受死苦 不用貧窮生

又佛地論云五怖畏者一不活畏二惡名畏三死畏四趣畏五怯畏如是五畏證得清淨樂意地時皆已遠離又波斯匿王太后崩經世尊爲王說偈云

一切人歸死 無有不死者 隨行種殃福

自獲善惡果

地獄爲惡行

善者必生天

明慧能分別

唯福能遏惡

如是大王有四恐惧無能避者老爲大恐惧
肌肉消盡病爲大恐惧無強健志死爲大恐
畏盡無有壽恩愛別離爲大恐惧無得求住
此之四大恐惧一切刀杖呪術藥草象馬人
民珍寶城郭無所救贖者譬如大雲起雷霹
靂斯須還散人命極短壽極百歲其中出者
少唯修無常想除去恩愛可得度苦

雜難部第五

如婦人遇辜經云佛在世時有一人無婦往
詣舍衛國娶婦本國自有兩子大子七歲次
子孩抱母復懷軀欲向家產天竺俗禮婦人
產日歸父母國時夫婦乘車載二子當詣舍
衛中路食息并牧牛時有毒蛇纏遠牛腳牛
遂離羣其夫取牛欲得嚴發見牛爲毒蛇所
殺蛇復捨牛復纏夫殺婦遂見之怖懼戰慄
啼哭呼天無救護者日遂欲暝去道不遠有
流河水水對有家居婦怕日暝懼爲賊劫弃
車將二子到水畔留大子著水邊抱小子度

水適到水半狼食其子子叫呼母時還顧見
子爲狼所噉驚惶怖懼失抱中子墮水隨流
母益懊惱迷惑失志頓躡水中墮所懷子遂
便度水問道行人我家父母爲安隱不行人
答曰昨家失火皆燒父母悉盡無餘又問行
接六十三人我夫家姑娑爲安隱不行人答曰昨有劇
賊傷害其家姑娑皆死無完在者其婦聞之
愁憂怖懼心迷意惑不識東西脫衣裸形迷
惑狂走道中行人見大怪之謂邪病鬼神所
娆佛在舍衛孤獨精舍時婦馳走而往趣之

爾時世尊爲大會說法諸佛之法盲者見佛
皆眼明聾者得聽瘡者得言疾除愈厄劣
強健被毒不行心亂得定時婦見佛意即得
定不復愁憂自視裸形慙愧伏地佛呼阿難
取衣與著竟稽首佛足却坐一面佛即爲說
經爲現罪福人命無常合會有別種種法要
心開意解即發無上正真道意得不退轉也
又對法論云正生何因苦衆苦所逼故餘苦
所依故出胎時復受肢體逼切大苦餘苦所
依者謂有生老病死等衆苦隨逐老何因苦

時分變壞苦故病何因苦大種變異苦故死
何因苦壽命變壞苦故怨憎會何因苦合會
生苦故愛別離何因苦別離生苦故求不得
何因苦所求不果生苦故略攝一切五取蘊
何因苦麤重苦故

又雜譬喻經云昔年世人入海採寶逢有七
難一者四面大風同時起吹船令顛倒二者
船中欲壞而漏三者人欲墮水死乃得上岸
四者二龍上岸欲噉之五者得平地三毒蛇
逐欲噉之六者地有熱沙走行其上燒爛人

脚七者仰視不見日月常冥不知東西甚難
也

佛告諸弟子若遭苦難亦有七事一者四面
大風起者謂生老病死二者六情所變無限
譬船滿溢三者墮水欲死謂爲魔所得四者
二龍上岸噉者古六謂日月食命五者平地三毒
蛇者爲人身中三毒六者熱沙剥爛其腳者
謂地獄中火七者仰視不見日月者謂受罪
之處窈窈冥冥無有出期佛語諸弟子當識
是言莫與此會勤行六事可得解脫

又涅槃經云若外道自餓苦行道者一切畜生長應得道是故外道受自餓法投淵赴火自墜高巖常翹一脚五熱炙身常卧灰土棘刺編椽樹葉惡草牛糞之上麤服麻衣糞掃斃褐欽婆羅衣茹菜噉果藕根油滓牛糞根

莖若行乞食限至一家主若言無即便捨去設復還喚終不迴顧不食鹽肉五種牛味常次敢挑糠沸汁乃云是等能爲無上解脫因處不見菩薩摩訶薩人行如是法

復角

果又修行道地經云譬如小兒捕得一雀執持令惱以長縷繫放之飛去自以爲脫不復遭厄詣樹池飲自恣安隱縷盡牽還投弄惱苦如本無異修行如是自惟念言雖至梵天當還欲界苦惱如是故頌曰

捺六

譬如有雀繩繫足 適飛縷盡牽復還
修行如是止梵天 繢行欲界不離苦

法苑珠林卷第六十六

音釋

永樂北藏

法苑珠林

第一四一冊